

67

1249

1249



دفعه
۶۷
جانی

امور داخلیه

حلیه هدایت پیرایه دیانت و اسلامیت ایله منجلی و انوار فیوضات انار توحید و ایمان ایله منجلی اولان کافه اهل اسلام و طایفه دیانتلری اوزره بالجه له مفروضات الهیه و سنت سنیه حضرت نبویه تک علی السدوام مزید شوق و غم ایله ادا و اجراسته نصب نفس اهتمام و تحصیل رضای نجات اقتضای جناب باری په قیام ایملری و بالخصوص برقهضای نص فرض مطلق و برگونه عذر و عثله ترک اولنه میده جفی ظاهر و محقق اولان بش وقت نمازک اداسته مداومت و مستون اولان جماعته مواظبت ایملری لازمه ذمت اسلامیه اولقی و حامی دین مبین و خلیفه روی زمین اولان شوکتیاب تقوی نصاب اقتدای حضرت ترینک یومثللو شمار مخصوصه دینه تک کما یذبحی اجراسته اهتمام خیریت انساب ملوکانه لری هر بار مصروف بیورلیق حبسیله اشبو ماده واجبه تک تأکید ضمیمه شرف سوح بیوریلان امر و فرمان واجب الایمان خلافتینا هیملری موجب اقتضا ایدن محله بیورلدی عالی تصدیریه فیما بعد امامی اولانلر خانه زنده و اولیسانلر جوامع و مساجدده بش وقت نمازی بجاعتله ادا ایملری و عقیب اذان شریفده و هر کون وقت سحرده بالجمعه منارنده و عقیب فرائض مکتوبده طرف اشرف حضرت رسالتیله ایله صلوة و سلام اولنسی و هر کیم مکلف اولدیغی فرائضی بجاعتله ادا ده تکامل ایدر ایسه بولندیغی محله امامی اسم و شهرتیه طرف حکام شرع شریفه افاده بدوب او ان دخی ایجاب شرعی باب عالی په انها اولنده رق لازم کلان تأدیب شرعیسی اجرا قلمی صورتلری درج و تنبیه اولمشدر

پادشاه دل آگاه بحر و بر و شهنشا کرامت پناه عسکر پرور مد ظل شوکته علی مفارق الانام مادارت الشمس والقمر ولی نعمت بیمنتز ولی نعمت عالم اقتدای حضرت ترینک توصیف و بیاندن مستغنی وجهانه کونش کبی روشن و جلی اولدیغی اوزره همیشه هم معالی نهم شاهانه لری سایه شوکتیایه ملوکانه زنده داخل دائره نظام انجم مستحسن اولان بالجمعه عساکر خاصه شاهانه و منصوره منتظمه پادشاهانه لری بکون تزییدی و تعلم و تعلمی بک ف جلیل حرب اوزره استحصالیله منفردات نظامات مستحسنه لری بک اجرا و استکمالی خصوص خیریت نصوصه مصروف و علی السدوام نظر اکسیر اثر داورانه لری مهام لازم الایمان سلطنت سیدلرینه معطوف اولقی حبسیله حالا بالاستقلال عساکر منصوره مجده سرعسکری اولان محمد خسرو پاشا حضرت ترینک زیر قومانده سرعسکر بلریده اولان عساکر منصوره لوارلندن میرلوا حبسدر پاشا و خیرالدین پاشا و نجیب پاشا و داود پاشا تک ایکبشر طابوری و میرالای حافظ ایوب بکک زیر قومانده سنده اولان بکر مخی الایک اوج طابوری جمعا اون بر طابوری مجرد منظور مبان موفور شاهانه بیورلیق و فن حرب اوزره اجرای تعلم و تعلم اولنقی مراد خیریت معتاد ایله ایاستفانوز صحرا سنده ترتیبه صرف همت و اهتمام و نصب خیسه آرام ایتمش اولدقلری اردوگاه نظامیه بی معاینه و تشریف و عساکر منتظمه شاهانه لری قوللری نکه فیض اکناه پادشاهانه لریله

مقتضی و تلطف بیورلیق اراده مکارم معناده علیه سیه ولی نعمت شهنشا جهان اقتدای حضرتلری شهر سابق یعنی ریم الاخرک بکر می برنجی مبارک جمعه کرفی صلوة جمعه بی بعد الادا بشکطاش ساحل سرای معالاری پیشگاهنده انکر انداز اقامت اولان سفن دونغای فوز انتهای شاهانه لریدن حفظ رجن نام فرقتین همایونلرینه سوار بیوریلهرق و شرفرسان نام فرقتین و مسیر فرج و کل سفید نام قسروت و واپور و قوت همایون سفینه لری دخی برابر اولهرق موافقت عون توفیق جناب مرسل الیاح و مرافقت شرطه تأیید مستلزم الانشراح ایله ایاستفانوز پیشگاهنده انکر انداز وصول بیورادیغی آنده قصر همایونک پیشگاهنده نصب اولنمش اولان شونه طغرای غرای جناب جهانیا لریله مزین سجاد کشیده اولنوب و مبارک و معلا ذات شوکتسمات شاهانه لرینه مخصوص اولوب رشکینسان هلال کردون و غبطه انداز عنقای زرین بال مهر شعله نمون اولان فلکه همایون میامن مشدون ملوکانه لریته را کما محل مذکورده کائن قصر ملای شاهانه لرینه فیض بخشای مشول و مبارک و مسعود قدوم میامن رسوم پادشاهانه لرینه منتظرا مراسم استقبالی اجرا و اوزم عبودیت و شکری ایفا ضمیمه محل مذکورده موجود یونان ذات ولای حضرت صدر اعظمی و سرعسکر مشارالیه و مشیر خاصه شاهانه اجد فوری پاشا و قیودان پاشا و مشیر ملو پختانه عامره خایل رفعت پاشا حضرتایله فریق خاصه شاهانه اجد قتی پاشا و فریق منصوره محمد و اصف پاشا و میرلوا پاشا ایله میرالایان و سائر زری الثقات عالمهای شاهانه لریته مظهر یتله مباحی و مشمول بیوریلوب قول قول طبور نظامی اوزره طوران طابورلر واجبه عبودیتلری اولان رسم سلام و وزیر یقازک صداسیله نفرات عسکریه پادشاهم چوق یشا دعاسی جمله سی بلند اواز ایله بکربان ندا و رسیده اوج سما ایدلکرندن ماعددا بر ممتاز بلوکی دخی سجاد ایله برابر تشریف همایونه منتظرا اسکا باشند توقف ایدوب شرف وصول شاهانه لرینده بولنردخی رسم سلام و عبودیتی اجرا اینکله مارالذکر طابورلر معیترنده بولنسان طو بلردن قدوم میامن کزوم شاهانه بی اعلان ضمیمه بکر می بر طوب انداخت برله جوارده بولنسان طایبه لریدن و مستحب حضرت شهنشاهی اولان سفن همایوندن یتله اولمقدار طو پارانداخت اولنمش و قصر دلکسای مذکورده براز آرامساز شوکت و اقبال بیورلدقدن صکره جابجا بار و تختانه عامره لرینی تشریف همایون وقوعنده جای جلسه اولقی اوزره ایاستفانوز قریه سنده مخصوصا مینی اولان دائره په تشریف مکارم ردیف ملوکانه بیورلمقدله سرعسکر مشارالیه حضرتلری طرفندن ترتیب ضیافته اهتمام و اولکیجه اوزاده بسط سایه شوکت و آرام بیوریلوب چونکه روح عالم اولان ولی نعمت اقتدای حضرت ترینک آفتاب جهانتاب طلعت همایونلری محل مذکور لری منور و قدوم مسعدت لزوم ملوکانه لری او محل دلکشانی صحن بهشته همسر ایدلکندن باغ بیتال سلطنت سنیه لری بک نونهال معالاری و گلستان شوکت نشان عالی لری بک غنچه رعنائی اولان شهزاده جوان بختان نجابتلو عبدالمجید افندی و عبد العزیز افندی حضرتلر دخی محل مذکورده موجود بولنملری مراد مکارم معتاد ملوکانه بیورلدیغندن فریق خاصه شاهانه مومی الیه اجد قتی پاشا مخصوصا واپور سفینه سیه ساحل سرای دلکشای معلایه اعزام و اسرا بیوریلهرق شهزاده مشارالیه حضرتای محل مذکورده



جلب بیورلغله یوم مذکورک فردای جمعه ایتسی کونی قصر رعنا
مذکور پیشگاهنده بالشوکه والاقبال اسب سوار میدان یمن قرار بیورلدیغی
ومعیت حضرت شاهانه ده سرعسکر مشارالیه وقیودان پاشا وشرعسا کر
خاصه حضرت شاهانه احدفوزی پاشا وشرطو پنجه عامره خایل رفعت
پاشا وقرنای حضرت شاهانه دن رمنا بک و محمد علی بک وعزت اغا وسواری
خاصه میراوارندن رشید پاشا وسواری منصوره میراوارندن سعید پاشا
ومعیت حضرت سرعسکر یدیه یاور حرب خدمتده بولنسان سواری منصوره
میرالایرندن عشق علی بک رسم مذکورده موجود بولنه قتری حالده عسا کر
منصوره الایلی اوون برطابور ومعیترنده یکرمی درت قطعه طوب ایله پردفه
بلرکله قول اوله رقی بعد تامله و دفعه ثانیه ده یناشق قول اوله رقی سارک
حضور لامع النور شاهانه لردن گذار وجهه سی نظر مکارم اثر ملوکانه لریله
حائر هینه فخر و مساریور یلوب رسم مذکورک اجرایی ایتسده هر برینک
سلاح و بلاسقه والبسه و یوریشلرینه دقت بیورلدقن صکره عسا کر
مذکورده آتشی تعلیم اجراییله فن حرب اوزره ملکه ومهارت لری اظهاری
وبریجی ویکرمی الایلیک اوج طابوری اوون ایکی قطعه طوب ایله میدان
تعلیمده آوجی طغیوبوب بعده مقابلین ایلرولمش فرضیه آوجیلری چکوب
طوب انداخته مبادرت ومتعاقبا تبدیل حدان وایلر و طابور دکسدرمک
وجفت قول یناشدر وب ایلرولدکده قول طابور وقلمه و طابور ایچیدن
کیرویه طابور دکسدرمک و بولالوسا حرکات لری اجراییه مباشرت ایلرکن
دیگر طابورل صاغ طرفده اولان محل مرتفعده قول ایلله طابور نظراننده
طوردقاری حالده مقابلین اول طرفه طوغری یورومش فرضیه در عقب
قول طابور ایدوب معیترنده بولان طوب ایلله بالدفعات نوبت آتشی اجرا
ایلرکن میدانده بولنسان طابورل طرفه ایلله یناشق قول اوله رقی مستحضر لری اولان
طوبلریله معا خط حرکت صاعباشنه کلوب در حال قول طابور ایلرک کذلک
آتشه باشلریله اشیو تعلیم وتعلیمی تزد معالیوفد شاهانه ده بسند وتجسینه
سزوار یور یلوب بعده ینه قریه مزبوره یه تشریف همایون بیور یله رقی
وشهراده مشارالیهما حضراتی دخی برابر اوله رقی اولکیجه دخی انده آراساز
اجلال وشوکت بیورلدیغی حالده طرف اشرف حضرت شاهانه لردن
عسا کر منتظمه مک ضابطلرینه برقاندی التفات اولقی اوزره میرالایر
وقائمقام ویکیشیلر وطوبیجی بیکاشیلری دعوت اوانوب همربیه اولان ضابطلر
بربرده اوله رقی بشقه بشقه سفره وطعاملر اعطا اولدیفندن ماعدایوز باشیلر
وملازملر ایچوندخی اردولرینه بانعام بلع اطعمه لر کوندلر کله بویوزدن
دخی جله می مظهر عنایت واحسان پادشاه جهان وداسیر نوال عالمهای
عاطفت اوله رقی مسرور وشادان اولدیلردن ولی نعمت شهنشا عالم افروز
حضرت لریک موهوب ومخلوق اولدقاری شیمه کریمه مهماسازی وفقرا
پروری ملوکانه لری اقتضاسندن ناشی امور مهم دولت علیه لریه کاینی همت
ولبس الخیر کالمعاینه * مفهومی اوزره کللیک وازنکیمد ساحلرنده در دست
انشا اولان قالیون وفرقین همایونلری معاینه ورؤیت و ذکر اولنسان
مخلوک اهالی وفقرا ورعاسی احسان جلایلرینه نالیتله دعوات خیره لری
استحیلا ینه رغبت بیورمق مراد کرامتغاد یله ماه مذکورک یکرمی
اوجنی بازار کونی * ایلدی بربرجدن بربرجه تحویل افتاب * مؤداسیجه
قریه مزبوره پیشگاهنده لکر افکن ارام اولان سفن مذکورده دن بددغه
شرفسان نام فرقین همایونلرینه سوار وینه دیکر لری دخی استحباب
وشهراده مشارالیهما حضراتی خزینه همایون کتخداسی اغا ومومی الیه
فریق پاشا وسواری خاصه شاهانه ایکینی میرلواسی رشید پاشا ایلله
ینه واپور سفینه سنه ارکا باساحسرای بهشت اسدی شاهانه یه اعاده واسرا
بیورلدقن صکر ولی نعمت جهان افندیم حضرت لری قریه مذکورده پیشگاهندن
فلک لکر ارام بیور یله رقی ابتدا کللیک جانبده بادبانکشیای توجه وعزیمت برله
تمام مساعدات جناب خانی بحر وبرفک فلکچای دولت واقبال شاهانه لریه
یاور وباد صبا یمن وشرف سفینه میامن دفینه شوکت واجلال ملرکانه لریه

مسخر اوله رقی ساعت اوون برصوارینه طوغری کللیک کورقزی بوغاز ینه قدر
وصول عالی مبر اولمش ایتسه ده حسب الموسم اخشام اوزری هوا ساکن
اولدیفندن اولکیجه اواراده وضع لکر ارام ایلله فردای نازار ایتسی کونی
علی الصباح واپور سفینه سنه راکا ساعت سکر درجده لده کللیک پیشگاهنده
شریفخشیای مر ساسی وصلت وطوغری ترسانه عامره لری تشریف
مسعد زریف ایلله انشا اولمقدده اولان قالیون همایونلری معاینه ورؤیت
و و این قالیون مذکورک اطری در کاهالی قیوجی باشیلرندن جلال لدین اغاک
اقا ت ایلدیکی خانه منی تشریفه رغبت و نای راهده اجرای رسم استقبال
ودستکشیای دعا و بتای ایام عمر وشوکت و اقبال شاهانه لری تادیه و کمال ایدن
اهل اسلام و رعایا مشاهده جمال باکال پادشاهانه لری نعمت عظمای سنه
مظهر یتله مسرور واحیا اوله رقی ناظر مومی الیهک خانه سنده ازارام ایلله
ناظر مومی الیه ودرکاه عالی قیوجی باشیلرندن اوراده بولنسان بروسه مسلمی
حافظ اغایه وحاکم افندی ومدائیه و یوده سیله وخوه مملکتیه وقالیون همایون
معمار ومهندسی ورعایا قوجه باشیلرینه خلع فاخره الباس وقالیون همایون
عمه لریه ومکتبلره و بالجله سکینه مملکت وفقرا رعبه عطیه سنیه عنایت
وناظر مومی الیهک طرفندن کراسته خصوصنه مأمور حالایه کول قضایسی
و یوده سی حسن رشدی افندی مک امور مأموره سنده سعی وغیرتی حسیله اکادی
دیوان همایون خواجه لکی احسان بیورلدقن صکره ینه فرقین همایونلرینه
عودتله اولکیجه ینتوت وفرداسی صالی کونی هوا ساکن اولدیفندن
واپور سفینه سیله ازنکیمده عزیمت بیور یله رقی اخشامی چهارشنبه کیجه سی
ساعت اوج قرارلرنده ازنکیمد سا حد سنه لکر انداز وصول ایلله در کاه عالی
قیوجی باشیلرندن ازنکیمد مسلمی وفرقین همایون وکراسته ناظری شکری بک
اقامت ایلدیکی ترسانه عامره ساحلخانه سنه تشریف شاهانه بیور یلوب
اولکیجه دخی انده ارام ایلله چهارشنبه کونی صبا حلتین ساحه مذکورده
در دست انشا اولان فرقین همایونلری معاینه ورؤیت وعسا کر منصوره
میراوارندن اسکدر پاشا نک زیر قومانده سنده اولوب ازنکیمده
بولنه رقی تشریف همایونه مترقا صاف بسته ایام سلام اولان عسا کر منصوره
منتظمه قوللری نکاه عنایت اکناه شاهانه لریله مظهر تلطف ومفخرت
وعسا کر مذکورده دخی ینک ینا دعا سیله انقای تشکر ومجده ایدوب اورادن
ساحلخانه مذکور تشریف وراز ارام وطعام بیور یله رقی مسلم مومی الیه
وحاکم ووجوه مملکت وسائر وفرقین مذکورک معمار ومهندسنه ورعایا قوجه
باشیلرینه کذلک خلع فاخره ومکتبلره واهالی ورعایا عطیه سنیه احسان وعنایت
بیورلدقن صکره ازنکیمد خارجنده انشا واحیا کرده جناب جهان بانی
بیور یلان قسخانه عامره بی تشریف ومشاهده ایلله تشریف شاهانه
وعودت ملوکانه لریه بالجله سکینه مملکتی نور لاه السرور دیدار فرخنده
آثار شهنشا ایلرله نائل مسرور وفرحت واحسان علی الاحسان اولقی اوزره
جمله سنه بتکرار صدقات کثیره واحسان وفیره اعطاسندیل عاطفت بیور یله رقی
ینه واپور سفینه سیله ساعت درت یحی صولرنده ازنکیمد دن فلک لکر ارام ایلله
پنجشنبه کیجه سی ساعت ایکی یحی قرارلرنده بالین والسلامه استاوروز
ساحلرای بهشت آسای ملوکانه لریه وصول مینت حصول شاهانه

میسر کرده جناب رب عزت اولمدر

بهر سنه طرف اشرف حضرت شهنشا هیدن امیر مکه مکرمه بولنسان
ذرات کرام حضراته ارسال بیور یله کلاز خدمت معنانه مک ایصانه خفان
اغالی عنایتله خدمه دولت علیه دن بری مأمور بیورلدقده واهالی
حریم شریفیه درسمادندن کوندلر بلان مکاتیب وصرفه لک ایصال و تبلیغنه
دخی رعماند مرده جلایله نایبه ایکی آدم تعیین فلتمده اولدیفندن اشوسنه
مبارکده خفان اغاخی خدمه دولت علیه دن حاجی درویش اغا و مرده حاجی
اولک رعماند حسن اغا یه و نایبک رعماند ولی اغا یه باراده سینه حاله
بیورلدقن

کافه معاملاتک اس اساسی وانظام ملک وملتک مبانی رایج بقود ماده سی

اولوب بو خصوصه بالجمله مأمورین طرفلرندن دقت اولنه رق اجناس عتیق
التونك فیثات مستقره سبله جانب منبر بخانه عامره دن مأمور مبايعه جیلر
مهر قتلرله مبايعه اولمسی باراده سنیه مقرر اولان نظام قدیمی اقتضاسندن
اوله رق بو خصوص مقدم و مؤخر هر کسه بیلدرلش یکن بعض طبعکار
مفوله لری نفع ظاهری به فریفته اوله رق بنه فیثات زانده ابله اخذ واعطایه
اجناسار اتمکده اولدقلری استخبار و تحقیق اولمش والحاله هنده باراده
سنیه شاهانه منبر بخانه عامره ده قطع و ضرب بنه شروع و مباشرت اولمش
اولان سیم سکه حسنه جدیده شاهانه نک و بودفعه تسهیل معاملات دادوستد
نمکنده مجیددارسم مرغوب اوزره قطع و ضرب اولنان ممدوحیه اسمیه
مسمی بکر مبلک و اولنق التونك حسن اعمالچون مبايعه سی لازم کلان عتیق
اجناس التونك فیثاتر بنه مجیددار حسن صورت ویرلسی اقتضا ایلش اولغله
شمندی به قدر قطع اولنان بکر مبلک خیریه التوني کما کان بکرمی غروشه
واولنق اون غروشه التون ویرلدرک زنهار براقه زیاده به اخذ واعطایه اولنمق
و مسکوکات عتیقه دن بهری بردهم تام فندق التوني اوتوز ایکی و بهری درت
قیراط فندق ربعیه سی سکر و بهری اون ایکی قیراط تام استانبول التوني
بکرمی درت و بهری الی قیراط استانبول نصفیه سی اون ایکی و بهری
اوج قیراط استانبول ربعیه سی الی غروشه و تام عتیق رومی التوني قرق
سکر و رومی نصفیه سی بکرمی درت و تام عتیق رومی التوني الی الی الی
و عتیق رومی نصفیه سی بکرمی سکر و عتیق رومی ربعیه سی اون درت
و جدید عدلی التوني اون بش و عتیق عدلی التوني اون الی بحق غروشه
و بهری اون ایکی قیراط مصر زر محبوب بکرمی غروش اون پاره به و بهری
الی قیراط مصر زر محبوب نصفیه سی اون غروش بش پاره به و بهری اوج
قیراط مصر زر محبوب ربعیه سی بش و قرقلق خیریه التوني قرق غروشه
اوله رق مبايعه جیلره تسلیم اولنق اوزره فیثات قطع اولمش و سالف الذکر
عتیق اجناسک بعد ازین تداولی کلیا منع قلمش اولدیغندن سالف البیان
اجناس اصحابی فیثات مذکور ابله منبر بخانه عامره به و یاخود منبر بخانه
عامره دن مأمور مبايعه جیلره کوتوروب ویرلمی و اگر اجناس مزبوره بوندن
بویله اشبو فیثاتر بنه زیاده به خفی و جلی التون ویریلور و خبریه التونك دخی
مقرر اولان بکرمی غروش فیثاتی تفاوت بولور ایسه کرک جرأت ایلان و کرک
اغراض ابله اراده رخصت ایدن هر کیم اولور ایسه اولسون برکونه خاطر و کواکله
باقلمیه رق درحال اخذ و کرک ابله تأدیهات لایققلری اجرا اولمسی خصوصیه
اتفاق آرا ابله قیرار ویرلش اولدیغندن کیفیت بالجمله ممالک روم ایلی و اناتولی به
اوامر علیه نشریه اعلان و در سعادت دخی استانبول و بلاد شنه قاضیلر بنه
وسایل لازم کلاره بشقه بشقه یورلدیلر تصدیق ابله تنبیه و بیان اولمشدر
شهر سابق یعنی ربع نایینک ایکنی کونی فوت اولان احد اغناک معالجه سنده
خطا ایلدکلر بنه مبنی در علیه دن طردی اقتضا ایدن هکیملره دایر رئیس اطباء
سلطانی افندی حضرتلرینک باب عالی به تقدیم پیوردقلری تقریرلریدر

تقریر داعیلریدر که
سابقا ذخیره ناظری صوم احد اغنا قولرینک صاغ باز و سنده
مبتلا اولدیغی قرحه سرطانی نک تدبیر بنه مباشرت مجاری هکیم ماروقی
وایتالی جراح یکی معرفتله قرحه نک منظار تغییر اولنان لجم زانده
اکل وازاله نمکنده ترتیب وطلا ایلدکلری شدید واکال مرهم ابله برؤ وشفای
منورتلری تقریب ایتیش ایکن اعصابک حسنی تنقیص و تلبید ابله شدت وجعی
تسکین زعمیه اعمال و ترکیب ایلدکلری بریدندبرو اوروپا نک اکثر محسنده
صوابید رای اطبا ابله استعمالیدن منع و تحذیر اولنان عرییده جوز مائل
وتورکیده طاتوله دینلان سم قانلک خلاصه سی ابله معمول تجویز کرده اطبا اولان
مقدار استعمالیدن افزون فاصله متعارفه ابله و بردکلری حبک آثار سمیه
ورده سی ظهوره کلدکده در انحال علاج و امداد بنه باقلوب سمیتی کسر
و اصلاح ممکن ایکن طریق تشفی و تخلیصه اصلا التفیات اولنیه رق
بحالی اوزره ترک ابله ایکی کون طرفنده مومی ابله قوللری مسعوما و متاثر وفات

ایلدیکی بالثبوت واضح و اشکار اولمقدن ناشی طیبیان مر سومنک بودفصیه
آچقدن آحق ایلدکلری جرم و خطا وجهها من الوجوه تأویل و انماضه کلر
شایدن اولوب سائرلر بنه عبرت اولق نمکنده ایلچیلری معرفتله زوجه
و متعلقا تاریله استنانه علیه دن سیریه ما دفع و اخر اجلری بالايجاب
لازمه دن اولدیغی معلوم عالیلری پیوردقلره امر واراده حضرت
من له الامر کرد
اشبو تقریر موحیجه مر سوم ماروتینک بلاتناخیردقی قبحلار به تنبیه اولندیغی
نمجه ایلچیلی طرفدن و مر سوم بیکینک کذلک دفعی ساردینا قونسلوسی طرفندن
شهر مذکورک اونبرجی کونی رسما باب عالی به اخبار اولمشدر

مولا عسکیره

عساکر منصوره پاده سی میرالوزندن بکر پاشا عساکر خاصه حضرت شاهانه
میرالوغنه نقل ابله رهین افتخار و مباهات پیوردیغنه بناء بر بنه بر میرالوا نصب
و تعیین ایجاب ایدرک لواء مذکورک ایکنی الابی میرالابی داود نک بدایت
نظامدینرو تعلیم و تعلم و اجرای ضوابط نظام ابله مشغول بولمش اولدیغنه
وازه رجعت ادیب و درایتکار دخی بولدیغنه مبنی مرمومی ابله میرالوا رتبه
رفعه سبله چراغ پیورلق و انک بر بنه دخی نصی ایجاب ایدن میرالای الی
مذکوردن یوریدلک لازمه دن ایسه ده شمدیلک میرالایغنه اهلیت اوسی
اولدیغندن برنجی لوانک ایکنی الابی میرالابی اسمعیل بیک الی مذکور نقبله
بر بنه برمدتینرو باب سر عساکریده قراول خدمتده بولنان قائمقام ابوب نک
میرالای و انک بر بنه دخی ذکر اولنان برنجی لوانک برنجی الایک برنجی طاووری
بیکباشی ابراهیم اغا و طاوور مزبورک صاغقول اغاسی مالیشان اغا و سنجاقدار
عمر اغا تعلیم و تعلم و اداره عساکریده معلوما تدری بدیدار اولدیغندن مومی الیهدن
بیکباشی ابراهیم اغا لواء مذکور ایکنی الایسه قائمقام و انک بر بنه مار البیان
برنجی الایک برنجی طاوور بنه ایکنی طاووری بیکباشی عثمان اغا و ایکنی طاووره
دخی اوجخی طاوور بیکباشی اسلام اغا نقلی ابله اوجخی طاوور بنه مومی ابله
صاغقول اغاسی مالیشان اغا و در دینی طاووری دخی نکمیله قریب اولدیغندن
طاوور مذکورده دخی مومی ابله سنجاقدار عمر اغا بیکباشی نصیب و تعیین اولنق
مناسب کورنمش اولدیغندن کیفیت مبارک و مسعود خا کای همایون حضرت
شاهانه دن بالاسنیدان مأمور بیلر بنی حاوی اقتضا ایدر اوامر علیه نک
اصدار پیورلسی طرف حضرت سر عساکر بدن عرض اولنیه رق او اوجهله
اسنیدان اولنیه رقده اجرالر بنه مساعد سنیه جناب ملوکاه احسان پیورلش
اولغله رسم معتادی اجرا اولمشدر

رئیس اطباء سلطانی افندی حضرتلرینک مأمور مذکور لرنده شهر سابق
یعنی ربع الاول غره سندن غایتنه کلنجه بر ماه طرفنده طوب قیوخته خانه سنه
درتوز بکرمی ایکی نفر دخول و درتوز التمش درت خسته شقایب اوله رق
خروج ایلوب بالکزیدی نفری جوار حقه عروج ایلش طوبطاشی خسته
خانه سنه اوچوز طقسان سکر خسته دخول و اوچوز سیکسان بش نفر
اصحادن اوله رق خروج ایلوب بالکزیدی نفر ارتحال دار بقا ایتیش مالتیه
خسته خانه سنه بشوز سیکسان یدی نفر دخول و اوچوز طقسان نفر اکلساب
صحنه خروج ایلوب بالکزی اون درت نفری عازم خلدیرین اولش مهمات حربیه
خسته خانه سنه طقسان الی نفر دخول و یوز بکرمی سکر خسته صحت و عافیتله
خروج ایلوب بالکزیدی نفری ترک عالم مستعار ایتیشلر بنه به خسته خانه سنه
سکر یوز بش نفر دخول و یوز یوزیتش اوج نفر کسب عافیت ایدرک خروج
ایلوب کسبه وفات ایتیش طوبخانه عامره خسته خانه سنه اوچوز طقسان
سکر نفر دخول و اوچوز سیکسان بش نفر خروج ایلوب فقط برنفر وفات ایتیش
اولدیغی جورنال دفترندن مستبان اولمشدر دیو مسطوردر
اشبو تقویم وقایع شروعنک اوجخی سنه سی ابتدای تقویم وقایعیدر